

雲笈七籤卷之一百

以十

齊東野語云其書皆錄晉書及唐書

紀

真宗皇帝御製先天紀敘

蓋聞幽通造化是謂神功有洎範圍斯云聖

迹若乃六合無外億世相因仰之若日星遵

之若繩墨上賓之御默贊於

高旻長發之祥隆興於丕緒故當適道

感烈昭示羣倫廣五典之闕疑為六經之首

冠者也思文

聖祖肇初生民時屬洪荒政方朴略儲精會

宙下撫於八紘應運中央茂宣於三統先覺

以化庶彙總已以御衆靈涿鹿觀兵濟人而

定難梁峯紀號奉

天而告成順拜峒山所以尊乎神妙輕舉治

谷所以登乎

紫清俗畏其神民習其教九國承於世紀三

代繼於大宗宜乎竹帛之文紀丕功而罔盡

車書之域仰遺迹而咸周豈止唐堯之協和

萬邦姬文之本支百世庖犧之始畫八卦高

辛之正是五行者哉顧以眇躬紹茲

寶曆元符之降實荷於鴻仁

真馭之臨獲聞於諄誨知開先之有自懷積

累之無疆由是寶綬以奉徽稱棟宇以新原

廟夙夜之意靡捨於歸尊卿士之心彌思乎

順美樞密使檢校太尉同平章事王欽若樞

機協贊文史博通仰錫羨於元都徇追崇於

涼德覃精絢素盡銓魯壁之編率勵鉛黃感

正晉河之誤以至琅函瓊編竹簡芸籤遠訪

名山近觀藏室羣分類聚索隱造微續集成

書蓋無手遺論封章來上尤見乎資忠庶諧

永世之期求乃冠篇之作慶基紹祚思

祖德之垂鴻博史揚輝表孫謀之繼志雖有

慙於麗薄蓋聊敘乎徽音式製佳名用標絢

褰題曰先天紀冀夫恢隆世表丕顯天宗龍

門補藝之言常傳其實錄闕里升堂之士莫

得而措辭云爾

軒轅本紀

軒轅黃帝姓公孫自周制五等諸侯後乃有

公孫姓軒轅為黃帝長於姬水合以姬為姓

不知古文何據也有熊國君少典之次子也

伏羲生少典少典生神農及黃帝黃帝位居

有熊之封焉其母西喬氏女名附寶睽見大

雷光繞北斗樞星照于郊野附寶感之而有

娠以樞星降又名曰天樞懷之二十四月生

軒轅於壽丘地名在魯東門之外帝生而神

靈幼而徇齊疾而速也弱而能言長而敦敏

成而聰明龍顏日角河日隆頰蒼色大肩始

學於大項長於姬水帝年十五心慮無所不

通乃受國於有熊襲封君之地在鄭州新鄭

縣以制作軒冕乃號軒轅以土德王曰黃帝

得齊龍辨乎東方解在下文得祝融辨乎南

方心星以火火在正南大明也融光州也主

火之官祝融融南字從南從午南求也求正

對為明為暗則南為陽北為陰也得火封辨

乎西方酉之半也以十難之鳴旦則望東而身居

西也酉難也以小人時名之酉半為酉也得

后土辨乎北方北陰也背也故曰北四方之

名也東者動也日出萬物乃動也東字從日

穿木以日出望之如穿扶桑之林木也日所

出在扶桑東數千萬里帝娶西陵氏於大梁曰嫫祖為元妃生二子玄囂昌意初喜天下之戴已也養正娛命自取安而順之為鳴黃之代以一民也時人未使而自化未賞而民勸其心愉而不偽其事素而不飾謂之太清之始也耕者不侵畔漁者不爭岸抵市不預價市不閉郵商旅之人相讓以財外戶不閉是謂大同帝里天下十五年之後憂念黎庶之不理竭聰明進智力以營百姓具修德也考其功德而務其法教時元妃西陵氏始養

地單之義帝見浮葉方為舟即有共鼓化狄三臣助作舟楫所謂剡木為舟刺木為楫也以取諸渙渙散也物大通也所以濟不通也帝又觀轉蓬之家以作車時有神馬出生澤中因名澤馬一曰吉光又曰吉良出大封國亳州東古國也文馬編身朱鬣乘之壽千歲以聖人為政應而出今飛龍司有吉良龍因此也薛綜曰與騰黃一也所出之國各別焉雅川曰騰黃之馬吉光之獸則獸馬各異今據吉光即馬騰黃即獸雅川之說又別又有騰黃神獸其色黃狀如狐背上有兩角龍翼一本云龍翼而馬身一名乘黃一名飛黃或曰古黃又曰萃黃出日本國壽三千歲日行萬里乘此令人壽二千歲出日本國壽二千歲六典曰宋齊梁陳皆有車府乘黃之官今太僕寺有乘黃署即其事黃帝得而乘之遂周旋六合所謂乘八翼之龍遊天下也故遷徙往來無常帝始教人乘馬有臣胘作服牛以用之世本云所謂服牛乘馬引重致遠以取諸隨得隨所宜也有臣黃雍父始作春所

謂斷木為杵掘地為臼以濟萬人取諸小過也小過者過而通也帝作竈以著經始令鑄釜造甌乃蒸飯而烹粥以易茹毛飲血之弊有臣揮始作弓臣夷牟作矢所謂弦木為弧刻木為矢也又記云黃帝為之也弧矢之利以威天下取諸睽睽睽乖也制不順也帝始作屋築宮室以避寒暑燥濕謂之宮室言處於中也所謂上棟下宇以待風雨取諸大壯大者壯也帝又令築城邑以居之始改巢居穴處之弊又重門擊柝以待暴客以取諸豫備不虞也又易古之衣薪莽以棺槨以取諸大過也帝服齋於中宮於洛水上坐玄扈石室與容光等觀忽有大鳥銜圖置於帝前帝拜受之是鳥狀如鶴而雞頭鸞喙龜龍形駢翼魚尾體備五色三文成字首文曰慎德背文曰信義膺文曰仁智天老曰是為麟前鹿後蛇頭背有龍文足履正尾繫或有九苞一曰包命二心合度三耳聰達四舌屈伸五采色備六冠鉅鈿鈎七金目鮮明八音激揚九腹大一名鷗其雄曰鳳其雌曰凰高五六

尺朝鳴曰登晨畫鳴曰上祥夕鳴曰歸昌昏鳴曰固常夜鳴曰保長皆應律呂見則天下安寧黃帝曰是鳥逸亂則去居九夷矣出於東方君子之國又出丹穴之山有巨頌頌倉頡觀鳥跡以作文字此文字之始也先儒論

文字之始不同或始於三皇或始於伏羲或云與天地並興今據司馬遷班固韋廷來傳主等云者頌黃帝臣今據此載之諸家說者頌亦無定據黃帝修德教天下大理乃居天老謂之曰吾夢兩龍挺白圖出於河以授予敢問於子天老對曰此河圖洛書將出之狀天其授帝乎試齋戒觀之黃帝乃齋于中宮衣黃服戴黃冕駕黃龍之乘載交龍之旂與天老五聖遊于河洛之間求夢未得帝遂沉璧於河乃大霧三日又至翠鳩之泉有大鱸魚於河中游流而至殺三牲以饗之即甚兩七日七夜有黃龍負圖而出於河黃帝謂天老五聖曰子見河中者乎天老五聖乃前跪授之其圖五色畢具白圖蘭葉而朱文以授黃帝乃舒視之名曰緯錯圖令侍臣寫之

以示天下黃帝曰此謂河圖書是歲之秋也帝既得龍鳳之圖書蒼頡之文即制文章始代結繩之政以作書契蓋取諸大夬決也決斷萬事自垂衣裳至制文字凡九事按皇唐諡帝三代記載此九事皆黃帝之功今各以

當時事及衆書所載列之如前以明之然於易繫說此九事則上自黃帝下至堯舜以其先儒說者或以為不獨黃帝若以皇唐所載及今所引衆書則九事皆黃帝始創制之以服用後代聖人至堯舜但繼作修飾爾於是黃帝定百物之名作八卦之說謂之八索一號帝鴻氏一號歸藏氏乃名所制曰歸藏書此易之始也黃帝垂衣裳之後作龍象之服畫日月星辰於衣上以象天故有龍象之頌帝納女節為妃其後女節見大星如虹下臨華渚女節感而接之生少暉代記云女節即嫫母非也帝又納醜女號嫫母使訓官人而有淑德奏六德之頌又納費修氏為夫人是時庶民甘其食美其服樂其俗安其居無羨欲之心鄰國相望雞犬之音相聞至老而不

相往來無求故也所謂黃帝理天下使民心謂之至理之代是時風不鳴條謂之天下之吾風也雨不破塊謂十日一小雨應天下文十五日一大雨以叶運也以嘉禾為糧謂大水也其穗異常以醴泉為漿謂泉水味美如酒可以養老也以五芝為芳謂有異草生於園則芝英紫芝金芝黑芝五芝草生皆神仙上藥時有水物洋溢山車滿野於是德感上天故有黃星之祥謂之異星形狀似月助月為光名曰景星又有赤方氣與青方氣相連亦方中有二星青方中有一星凡三星又有異草生於庭月一日生一葉至十五日生十五葉至十六日一葉落至三十日落盡若小月即一英厭而不落謂之莫英以明於月也亦曰曆英帝因鑄鏡以象之為十五面神鏡寶鏡也于時大撓能探五行之情占北斗衡所指乃作甲乙十干以名日立子丑十二辰以名月以鳥獸配為十二辰屬之以成六旬謂造甲子也黃帝觀伏羲之三畫成卦八卦合成二十四氣即作紀曆以定年也帝敬大

撓以為師因每方配三辰之孟仲季自是有陰陽之法焉黃帝聞之乃服黃衣帶黃紳首黃冠齋于中官即有鳳凰蔽日而至帝乃降階東面再拜稽首曰天降丕祐敢不承命鳳乃止帝東園集于梧桐又巢于阿閣非竹實不食非醴泉不飲其飲也則自鳴舞音如笙蕭帝即使伶倫往大夏之西大夏國在西去長安萬里阮榆之谿崑崙之陰嶰谷采鍾龍之竹取其竅厚均者斷兩節間三寸七分吹之為黃鍾之音十一月律為黃鍾謂冬至一陽生萬物之始也以本至理之代天地之風氣所謂黃帝能理日月之行調陰陽之氣為十二律呂雄雌各六也晉書云律管長尺六孔十二月之音稟之以竹取自然圓虛也以玉取堅貞溫潤也時有女媧之後容成氏善知音律始造律曆元起辛卯又推冬至日在之星南斗後星也又問天老得天元日月星辰之書天文刻漏之書以紀時有臣隸首善算法始作數著算術焉臣伶倫作權量推秤也量即斗斛也黃帝得蚩尤始明乎天文

管子言之蚩尤有術後乃既帝又獲寶鼎乃迎日推策於是順天地之紀旁羅日月星辰作蓋天儀測玄象推分星度以二十八宿為十二次角亢為壽星之次房心為大火之次箕斗為析木之次牛女為星紀之次虛危為玄枵之次室壁為諏訃之次奎婁為降婁之次昂畢為大梁之次菡萏為實沉之次井鬼為鶉首之次星張為朱火之次翼軫為鶉尾之次五中外之星作占日月之書此始為觀象之法也皆自何圖而演之又使羲和占日常儀占月鬼史區占星帝作占候之法占日之書以明休咎焉黃帝有茂德感真人來遊玉池至德所致也有瑞獸在圓玄枵之獸也尚書中候云麋身牛尾狼蹄一角角端有肉示不傷物也音中黃鍾文章彬彬然牝曰麒麟牡曰麟生於火遊於土春鳴曰歸木夏鳴曰扶幼秋冬鳴曰養信帝又得微蟲姑婁有大如羊者大如牛者蟲名蟻大如虹者應土德之王也有獸名蟋如師子食虎而循常近人或來入室人畏而患之帝乃上奏於天徙之

北荒帝以景雲之瑞慶雲之祥即以雲紀官官以雲為名故有緡雲之官或云帝鍊金丹有緡雲之瑞自號緡雲氏赤多白少為緡於是設官分職以雲命官春為青雲官夏為緡雲官秋為白雲官冬為黑雲官帝以雲為師也是時炎帝之裔姜姓者也緡雲者帝之祥雲其雲非雲非煙非紅非紫又以帝鍊丹於葵州緡雲之堂有此祥雲也帝置四史官令但誦蒼頡隸首孔甲居其職主圖籍也周禮掌版圖人戶版籍也又令蒼頡王人儀孔甲始作盤孟以代四尊坭飲之朴著盤孟為盤孟之誠也帝作中凡之法以著經黃帝書中通理黃帝史謂之墳墳大也孔安國曰遺秦焚之不可開也有臣史王始造畫又濟南人公玉帶上黃帝明堂圖有複道上有樓從西南入此樓之始也帝依圖制之曰合宮可以觀其行也乃立明堂之議以觀於賢也時有仙伯出於岐山下號岐伯善說草木之藥性味為大醫帝請主方藥帝乃修神農所嘗百草性味以理疾者作內外經又有雷公述炮

灸方定藥性之善惡扁鵲俞附二臣定脉經療萬姓所疾帝與扁鵲論脉法撰脉書上下經漢文里陽公傳于意能知疾之生死按脉經也帝問岐伯脉法又制素問等書及內經今有二帙各九卷後來就修之按素問序云

岐伯作今卷數大約開少其八十一難後來增修又云天降素女以治人疾帝問之遂作素問也帝問少俞鍼注乃制鍼經明堂圖灸之法此鍼藥之始也黃帝理天下始以中方之色稱號初居有熊之國曰有熊帝如顓頊為高陽帝帝營為高辛帝唐堯為陶唐帝也

不好戰爭當神農之八代榆岡始衰諸侯相侵以黃帝稱中方故四方偕號亦各以方色稱文哉而不言名號即昔帝太皞赤帝神農白帝少昊黑帝顓頊時有四帝之後子孫偕越而妄有稱者也僉共謀之邊城日駭黃帝乃罷臺榭之役省靡麗之財周戎士築營壘帝問於首陽山在河中之郡不安其居令采首山之金始鑄刀造弩有於東海流波山得奇獸狀如牛蒼身無角一足能出入水吐水則

生風雨光如日月其音如雷名曰夔牛帝令殺之以其皮冒之以為鼓以擊之聲聞五百里世本云夔巫咸始作鼓則非也帝令軍人吹角為龍鳴此鼓角之始也於是又令作蹴鞠之戲以練武士今擊毬也西京記曰鞠場

即毬場也黃帝云日中必變操刀必割狂屈堅聞之曰黃帝知言也帝有天下之二十有二年忽有蚩尤氏不恭帝命諸侯中彊暴者也兄弟八十人並獸身人語銅頭鐵額不食五穀啗沙吞石蚩尤始作鎧甲兜牟時人不識謂是銅頭鐵額李太白曰南人兵士見北地人所食麥飯糗糲不識謂之啗沙吞石以喻於此不用帝命作五虐之刑以害黎庶於葛盧山發金作冶制為鎧甲及劍造立兵仗刀戟大弩等威震天下不順帝命帝欲伐之

徵諸侯一十五旬未剋敵思賢哲以輔佐將征不義乃夢見大風吹天下塵垢又夢一人執千鈞之弩驅羊數萬羣覺而思曰風號令執政者也垢去土解化清者也天下當有姓風名后者夫千鈞之弩冀力能速者也驅

羊萬羣是牧人為善者也豈有姓力名牧者乎帝作此二夢及前數夢龍神之驗即作夢之書令依二夢求其人得風后於海隅得力牧於大澤即舉風后以理民初為侍中後登為相力牧以為將此將相之始也以大鴻為

佐理於是順天下之紀幽明之數生死之說是謂帝之謀臣也帝問張若謀敵之事張若曰不如力牧能於推步之術著兵法十三卷可用之乃習其干戈以征弗身始制三公之職以象三台天象有三台星風后配上台天

老配中台五聖配下台太公六韜曰風后力牧五聖為七公則五聖五人也黃帝於是取合已者四人謂之四面而理時獲寶鼎迎日推策又得風胡為將作五牙旗及烽火戰攻之具著兵法五篇又以神皇為將帝之夫人費修之子為太子好張羅及弓矢以大將謂之撫軍大元帥為王前敵張若力牧為行軍左右別乘以容光為大司馬統六師兼掌邦國之九法容光一曰常光又置左右大監監于萬國臣龍紆者有勇有義亦為將帝之行

也以師兵為管術乃與榆岡合謀共擊蚩尤
帝以玉為兵玉舞兵器帝服黃寬駕象車交
六龍大丙太一為御載交龍之旂張五牙絲
旗引之以定方位東方青牙旗餘各依方色
帝之行也常有五色雲氣狀金枝玉葉止於
帝上如葩華之象帝因令作華蓋今之鐵蓋
是也黃帝即與蚩尤大戰于涿鹿之野地在
上谷郡南有涿鹿城帝未克敵蚩尤作百里
大霧彌三日帝之軍人皆迷惑乃令風后法
斗機作指南車以別四方准約古今注曰周
公作指南之車據此時已有指南車即周公
再修之帝乃戰未勝歸太山之阿慘然而
寐夢見西王母遣道人披玄狐之衣以符受
帝曰太一在前天一在後得之者勝戰則剋
矣帝覺而思之未悉其意即召風后告之后
曰此天應也戰必剋矣置壇祈之帝依以設
壇稽首再拜果得符廣三寸長一尺青色以
血為文即佩之仰天歎所未捷以精思之感
天大霧冥冥三日三夜天降一婦人人首鳥
身帝見稽首再拜而伏婦人曰吾玄女也有

疑問之帝曰蚩尤暴人殘物小子欲萬戰萬
勝也玄女教帝三官秘略五音權謀陰陽之
術兵法謂玄女戰術也衛公李靖用九天玄
女法是也又神符黃帝之符也陰陽術即六
壬太一通甲運式法也玄女傳陰符經三百
言帝觀之十句討伏蚩尤授帝靈寶五符真
文及兵信符帝服佩之滅蚩尤又令風后演
河圖法而為式用之創十八局名曰遁甲周
公時約為七十二局漢張子房共向曉一云
四結讀之為十八局無神龍負圖文連其甲
乃名之遁甲今為一局揚幡是也以推主客
勝負之術黃帝又著十六神曆推太一六壬
等法又述六甲陰陽之道作勝負握機之圖
及法要訣黃帝兵法三卷宋武傳云神人出
之河圖出軍訣稱黃帝得王母兵符又有出
軍大帥年命以十立成各一卷太一兵曆一卷黃
帝出軍新用訣一十二卷黃帝夏氏占兵氣
六卷此書至夏后時重修之也黃帝十八陣
圖二卷諸葛亮重修為八陣之圖黃帝問玄
女之法三卷風后孤虛訣二十卷務成子玄

兵災異占十四卷鬼史區兵法三卷圖一卷
或作鬼谷區設兵法以來皆起於黃帝亦後
宋增修也黃帝於是納五音之策以審攻戰
之事復率諸侯再伐蚩尤于冀州蚩尤率魍
魍魎請風伯雨師從天大風而來命應龍
蓄水以攻黃帝黃帝請風伯雨師及天下女
林以止雨於東荒之地北隅諸山黎土羌兵
驅應龍以處南極殺蚩尤與夸父不得復上
故其下阜所居皆不雨蚩尤乃敗於顧泉遂
殺之於中冀其地因名絕轡之野在媯州也
既擒殺蚩尤乃遷其庶類善者於鄒屠之鄉
其惡者以木械之帝令畫蚩尤之形於旗上
以厭邪魅名蚩尤旗殺蚩尤於黎山之丘東
荒之北隅也擲械于大荒之中宋山之上其
械後化為楓木之林山海經曰融天山有楓
木之林蚩尤之枉結所化也所殺蚩尤身首
異處帝閔之令葬其首家於壽張縣名在鄆
州冢高七八丈人常以十月祀之則赤氣如
絳見謂之蚩尤旗其肩髻冢在山陽縣名在
楚州有晉府藏也其髻冢在鉅鹿并州鉅鹿

法二卷黃帝都於涿鹿城上谷郡涿州地名
 獨鹿入口涿鹿聲傳也黃帝又與榆岡
 爭天下榆岡恃神農帝之後故爭之黃帝始
 以鷓鴣鷹鷄一云雉之羽為旗幟六典曰今
 鷓鴣旗也以熊羆經虎為前驅戰于阪泉之
 野地名在上谷郡今涿州也三戰而後尅之
 帝又北逐獯鬻之戎即蚩尤也諸侯有不從
 者帝皆率而征之凡五十二戰天下大定帝
 以伐叛之功始令岐伯作車樂鼓吹謂之蕭
 鏡歌以為軍之警衛柷鼓曲靈變吼鷓鴣爭
 石墜崖壯士怒玄雲朱鷺等曲所以揚武德
 也謂之凱歌六典曰漢時張騫得之於西域
 八八曲軍樂之遺音蕭笳也金鏡如鈴而無
 舌有柄執之以止鼓也於是諸侯咸尊軒轅
 為天子帝以己酉歲立承神農之後火生土
 帝以上德稱王天下號黃帝位居中央臨制
 四方帝破山通道未嘗寧居令風后負壽書
 以常荷劔且出流沙夕歸陰浦行萬里而一
 且反豕鹿之阿帝又試百神而朝之帝問風

后予欲知河所泄對曰河凡有五皆始於崑
 崙之墟黃河出於崑崙山東南脚下即其一
 也餘四河說在於東方朔十洲記帝命豎亥
 步自東極至于西極得五億十選九千八百
 八步一云二億三萬三千南北二億三萬一
 千三百里二億二十萬豎亥左手把算右手
 拈青丘北東盡秦遠西窮邠國東西得二萬
 八千里南北得二萬六千里萬里曰選神農
 將東西九千萬里南北八千萬里逾四海之
 外韋昭注漢書不信此開遠於海外巨瓊據
 道言神農乘龍遊遠也黃帝乘馬以理土境
 概四海內也淮南子云北極至于南極二億
 三萬三千五百七十里也淮南王學道此言
 絕遠亦據道言也黃帝始畫野分州令百郡
 大臣授德教者先列珪玉於蘭蒲席上使春
 雜寶為屑以沉榆之膠和之為泥以分土列
 尊卑之位與華戎之異文出封禪記帝旁行
 天下得百里之國者萬區今之縣已者也所
 謂首出庶物萬國咸寧有青鳥子能相地理
 帝問之以制經帝又問地老說五方之利害

時有瑞草生帝庭名屈軼佞人入則指之是
 以佞人不敢進時外國有以神獸來進名獬
 豸如鹿一角置於朝不直之臣獸即觸之帝
 問食何物對曰春夏處水澤秋冬處松竹此
 獸兩目似熊容成子有道知律者女媧之後
 初為黃帝造律曆元起辛卯至此時造笙以
 象鳳鳴素女於廣都來教帝以鼓五十絃瑟
 古史考曰琴則非也黃帝損之為二十五絃
 其瑟長七尺二寸伏羲置琴女媧和之黃帝
 之琴名號鍾作清角之弄帝始制七情行十
 義之教七情者喜怒哀樂懼惡欲七情也十
 義者君仁臣忠父慈子孝兄良弟悌夫義婦
 聽長惠幼順十義也帝制禮作樂之始也黃
 帝書說東海有度索山或曰度朔山鵠呼也
 此山間以竹索懸而度也山有神荼鬱壘神
 能禦凶鬼為百姓除患制驅儼之禮以象之
 帝以容成子為樂師帝作雲門大卷咸池之
 樂乃張樂於洞庭之野北門成曰其奏也陰
 陽以之和日月以之明和風俗也唐至德二
 年洞庭側有人穿地得古鐘有古篆文黃帝

時樂器也永春二年已後今康通中得來藥
人石季德於洞庭柳林華得古鐘上有篆岳
州刺史李善進之可明莊子所謂黃帝於洞
庭張樂誠不妄者也黃帝將會神靈於西山
之上乃駕象車六交龍畢方並轄蚩尤居前
蚩尤旗也風伯進掃雨師灑道鳳凰覆上乃
到山大合鬼神帝以號鐘之琴奏清角之音
師曠善於琴晉平公強請奏角弄師曠不得
已一奏雪從西北起再奏大風起大雨作平
公懼而成疾焉謂崑崙山之靈封致豐大之
祭以詔後代斯封禪之禮也于時崑崙山北
玉山之神人也西王母太陰之精天帝之女
也人身虎首山海經曰虎類一云虎色豹尾
蓬頭戴勝顛然白首善嘯石城金臺而穴居
坐于少廣之山有三青鳥常取食此神人西
王母也慕黃帝之德乘白鹿來獻白玉環又
有神人自南來乘白鹿獻聖帝德至地相聖
乃出黃帝習樂以舞眾神又感玄鶴二八翔
舞左右帝於西山嘗木果味如李狀如棠華
赤無核因名沙棠食之禦水不渴帝立臺於

沃人國西王母之山名軒轅臺帝乃休于冥
伯之丘崑崙之墟帝遊華胥國此國神仙國
也伏羲主於此國伏羲母此國人帝往天壽
國居之因名軒轅國後來曰天竺去長安一
萬二千里古史考曰在海外外也帝又西至
窮山女子國北又復遊逸於崑崙宮亦水北
及南望還歸而遺其玄珠使明目人離婁求
之不得使罔象求而得之後為蒙氏之女奇
相氏竊其玄珠沉海去為神玄珠喻道蒙氏
女得之為水神帝巡狩東至海登桓山於海
濱得白澤神獸能言達於萬物之情因問天
下鬼神之事自古精氣為物遊魂為變者凡
萬一千五百二十種白澤言之帝令以圖寫
之以示天下帝乃作祝邪之文以祝之帝周
遊行時元妃嫫祖死於道帝祭之以為祖神
令次妃嫫母監護於道以時祭之因以嫫母
為方相氏輔其方也以護喪亦曰防喪氏今
人將行設酒食先祭道謂之祖餼祖連也類
師古注漢書云黃帝子為道神非也崔寔
四八月令復曰黃帝之子亦妄也皆不得審

詳祖嫫祖之義也黃帝以天下大定符瑞並
臻乃登封太山禪于亭亭山泰山下小山也
又禪於凡几山勒功於喬嶽作下時以祭炎
帝以觀天文察地理駕宮室制衣服候氣律
造百工之德故天授輿服斧鉞華蓋羽儀天
神之丘黃帝著軒輿之銘帝以事周畢即推
律定姓孔子京房皆行此事紀鍾甄曆帝之
四妃嫫祖嫫母黃修女節是也生二十五子
得姓者十二人一云十三人姬酉析已滕箴
任苟僖詰旋依史記云六十一姓惟釐嫫二
姓不同所云黃帝姓公孫者十八代合一千
五百年其十二姓十三代合一千七十二年
史又云十二姓德薄不記錄亦不可也嫫祖
勝任僖詰皆有德有名者也所云黃帝姓公
孫嫫古史相傳理終不通且黃帝生於有熊
長於姬水極合以姬為姓至周武王稱黃帝
十九代孫姬姓之後即黃帝姬姓非公孫也
且同置玉等諸侯以公孫作子男後諸侯子
孫多稱公孫言公之子孫也故連公子為姓
者且有八十五氏皆非黃帝時人黃帝九子

各封一國。潘安仁詩言之未知其源。元妃嫫祖生二子。玄菟昌意。並不居帝位。玄菟得道為北方水神。昌意娶蜀山氏之女生顛頊。居帝位。即黃帝嫡孫也。號高陽氏。擊字青陽。即帝位。號金天氏。黃帝之小子也。少昊後有子。七人。顛頊時以其一子有德。業高陽帝。賜姓曼氏。餘不聞黃帝以天下既理。物用具備。乃尋真訪隱。問道求仙。冀獲長生。久視。所謂先理代而後登仙者也。時有甯子為陶。正有神人過。教大法。出五色煙。能隨之上下。道成。仙去。往流沙之所。食飛魚。暫死二百歲。更生。作沙頭頊。曰青藥。灼爍千載。舒萬齡。暫死。餌飛魚。有務光子者。身長八尺七寸。神仙者也。至夏時。餌藥。養性。故。有。道。壽。永。者。有。赤。蔣。子。輿。不。食。五。穀。啗。百。花。而。長。年。光。時。為。木。工。能。隨。風。上。下。即。已。二。十。歲。矣。有。容。成。公。善。補。導。之。術。守。生。養。氣。谷。神。不。死。能。使。白。髮。復。黑。齒。落。復。生。黃。帝。慕。其。道。乃。造。五。城。十。二。樓。以。候。神。人。即。訪。道。遊。華。山。首。山。東。之。太。山。時。致。怪。物。而。與。神。仙。通。接。神。人。於。蓬。萊。回。乃。接。萬。靈。

於明庭。京兆仲山甘泉寒門谷口。在長安北甘泉宮。黃帝於是祭天。圓丘將求至道。即師事九元子。以地皇元年正月。上寅日。齋於首山。在河東蒲坂縣。復周遊以訪真道。令方明為御。昌宇。勝。乘。張。若。謬。道。焉。譯。音。昌。野。氏。曰。或。作。明。昆。閩。滑。稽。從。車。而。至。襄。城。之。野。七。聖。俱。迷。見。牧。馬。童。子。黃。帝。問。曰。為。天。下。若。何。小。童。曰。理。天。下。何。異。牧。馬。去。其。害。馬。而。已。黃。帝。稱。天。師。而。退。至。于。園。丘。其。國。有。不。死。樹。食。其。子。與。葉。人。皆。不。死。有。丹。靈。之。泉。飲。之。而。壽。有。巨。蛇。害。人。黃。帝。以。雄。黃。卻。逐。之。其。蛇。留。一。時。而。反。外。國。北。云。第。九。年。也。帝。令。三。子。習。服。之。皆。壽。三。百。歲。北。到。洪。隄。上。具。茨。山。在。於。陽。崖。見。大。隗。君。亦。姓。大。隗。神。也。又。見。黃。蓋。童子受神芝圖七十二卷。適中位見黃子中受九茹之方。一云至崆峒山。見中黃真人。其方原州有崆峒之山。應劭云在隗右。非也。登崆峒山。見廣成子。問至道。司馬彪注。莊子云。崆峒當斗下之山也。一方在梁國廣城東。三十里。是也。廣成子不答。帝退。捐天下築特室。

藉白茅。問居三月。方往。再問修身之道。乃投以自然經一卷。黃帝捨帝王之尊。託猥賤之文。登雞山。涉王屋山。開石函。發玉笈。得九鼎神丹。注訣南至江。登熊湘山。熊山在石陵。長沙也。湘山在長沙益陽縣。往天台山。受金液神丹。東到青丘山。見紫府先生。受三皇內文大字。抱朴子云。有二十卷。以勅召萬神。南至五芝玄淵。登圓壘。陰建木觀百靈。所登降采若乾之芝。一云花飲丹靈之水。南至青城山。禮謁中黃丈人。乃問登雲臺山。見甯先生。受龍蹻經。問真一之道。皇人曰。子既居海內。復欲求長生不死。不亦食乎。頻相反覆。而復受道。即中黃真人。黃帝拜謝。訖。東過廬山。為使者以次青城丈人也。廬山使者秩比御史。主總仙官之道。是五嶽監司也。又封潛山君。為九天司命。主生死之錄。黃帝以四嶽皆有佐命之山。而南嶽孤特。無輔。乃章詞三天。太上道君命霍山為儲君。命潛山為衡嶽之副。以成之時。參政事。以輔佐之。帝乃造山躬寫形象。以為五嶽真形之圖。黃帝往。練石於縉雲。

堂於地練丹時有非紅非紫之雲見是曰緡雲因名緡雲山在婺州金華縣一云永康縣也帝藏兵法勝負之圖六甲陰陽之書於苗山禹會計功於此集諸侯四名會稽也黃帝合符瑞於釜山得不死之道奉事太一元君受要記修道養生之法於玄女素女受房中之術能御三百女玄女授帝如意神方即藏之崆峒山帝精推步之術于山稽力牧著體詠之訣於岐伯雷公講占候於風后先生救傷殘綴金冶之事故能秘要窮盡道真也黃帝得玄女授陰符經我能合天機外合人事帝所理天下南及交趾北至幽陵西至流沙東及蟠木地桃在度索山具在山海經也帝欲棄天下曰吾聞在宥天下不聞理天下我勞天下久矣將息駕於玄圃以返吾真矣

知存知亡能輕能重能息能行不灼而沸不汲自滿中生五味真神物也黃帝鍊九鼎丹服之逮至鍊丹成後以法傳於玄子此道至重盟以誠之帝以中經所紀藏於九嶷山東號委羽承以文玉覆以盤石其書金簡玉字黃帝之遺識也夏禹得之亦仙化去又云藏之於會稽覆釜山中也帝又以所佩靈寶五符真文書金簡一通封於鍾山一通藏於宛委之山帝嘗以金鑄器皆有名題上古之字也以記年月或有祠也時有薰風至神人集成獸代之志即留冠劍珮鳥於鼎湖極峻處崑臺之上立館其下崑崙山之軒轅臺也時有馬師皇善醫馬有通神之妙思有龍下于庭伏地張口閉目師皇視之曰此龍病求我醫也師皇乃引鍼於龍口上下以牛乳煎甘草灌之龍病愈師皇乘此龍仙去黃帝聞之自擇日卜云遷宅升仙之日得戊午果有龍來垂胡髯下迎黃帝乃乘龍與友人無爲子及臣僚等從上七十二人同去小臣不得上者將龍髯拔除屏又帝之弓小臣抱其弓與

龍髯而號泣弓因曰烏號鑄鼎之地後曰鼎湖至周王時封號叔於此因名曰號州古曰鼎州於漢曰朝陽也其後有臣左徹削木爲黃帝象率諸侯朝奉之臣僚追慕靡所措思或取几杖立廟而祭或取衣冠置墓而守是以有喬山之冢在上谷郡開陽縣又有苑縣有黃帝祠四所邠州喬山黃帝冢在焉黃帝曾遊處皆有祠五百年後喬山墓崩惟劍與赤鳥在焉一旦亦失荆山記龍首記具載之也黃帝居代總百一十一年在位一百年自上仙後昇天爲太一君其神爲軒轅之宿在南宮黃龍之體象大雅祭天神軒轅星一也後來享之列爲五帝之中方君也以配天黃帝土德居中央之位以主四方東方青帝太昊南方赤帝神農西方白帝少昊北方黑帝顛頊以鎮星配爲子名樞紐之神爲佐配享於黃帝帝之子昌意居弱水昌意弟少昊帝妃女節所生也帝之女溺於東海化爲鳥名精衛常銜西山木石以堙東海少昊名摯字青陽即帝位號金天氏黃帝之子也顛頊高

陽氏黃帝之孫也各有聖德在位七十八年終母蜀山氏所生都齒丘濮陽禹強黃帝之胤不居帝位與顓頊俱得道居北方為水神顓頊已來以所與之地為名號帝譽高辛氏黃帝之孫嚳極生高辛也帝譽高辛神靈自言其名都偃師老州河南在位七十年壽一百五歲帝堯陶唐氏黃帝之玄孫也姓伊祁名放勳興於定陶以唐侯為帝滿陸定陶又云定州唐縣都於平陽郡在晉州在位九十八年一百一十八歲舜有虞氏黃帝八代孫禹為玄孫也按道中開山圖曰禹得道仙人也古有大禹女嫫十九代孫大禹壽三百六十歲入九嶷山仙飛去後三千六百歲堯理天下洪水既甚人民墊溺大禹念之乃化生於石紐山泉女扶暮汲水得石子如珠愛而吞之有娠十四月生子及長能知泉源代父繇理洪水三年功成堯帝知其功如古大禹知水源乃賜號禹推之是黃帝玄孫無疑也殷湯黃帝七代孫黃帝子少昊生焉極焉極生焉高辛十四世後即天一為殷王是也黃

帝子孫各得姓於事帝推律定姓者十二具在中老少昊有子姓受顓頊姬姓以黃帝居極水帝魯子後稷姬姓也堯姓伊祁舜姓姚禹姓姁湯姓子又張鄧軒路黃冠宋鄭白薛虞實伊祁申屠黃公託拔昌意少子封北土以黃帝土德化俗以上為北以君為故乃以訖故為姓黃帝有九子各封一國共在中卷總三十三氏出黃帝之後黃帝相承凡一千二百五十年自黃帝已酉歲至今

靈笈七籤卷之一百

靈笈七籤卷之一百一

廿一

紀

元始天王紀

元始天王稟天自然之胤結形未泚之霞記體虛生之胎生乎空洞之際時玄景未分天光冥遠浩漫太虛積七千餘劫天明氣清二暉纏絡玄雲紫蓋映其首六氣之電翼其真夜生自明神光燭室散形靈護之煙棲心霄霞之境練容洞波之濱獨秉靈符之節抗御玄降之章內氣玄崖潛想幽窮忽焉道運流盼忘旋瓊輪玉輿碧輦玄龍飛精流雷耀電虛官東遊碧水叢林之境上憩青霞九曲之房進登金闕受號玉清紫虛高上元皇太上大道君受金簡玉札使奏名東華方諸青宮於時受命總統德津玄降玉華之女金晨之童各三千人飛龍毒獸巨虬千尋獲天膏爪衛衛玉闕天威煥赫陳于廣庭飛青羽蓋流紫鳳章金真玉光豁落七元神虎上符流金火鈴結編元皇位在玉清掌括上皇高帝之



正一天師清微弟子 道教學術